

Shall We 聽

劉潔媚

角色：阿樂、爸爸、媽媽、阿美、乞丐、DJ 振倫、男孩

大要：阿樂是一位沉迷音樂年青人，卻使爸爸不滿，父子為此而磨擦日大，一次無意的發現令阿樂重新認識爸爸和自己……..

序幕

（舞台的左方漆黑，燈光射著舞台的右方，照著阿倫的臉上及錄音室）

（在一個人夜蘭人靜的夜裡，阿倫仍舊主持其音樂節目）

阿倫：大家有無試過心裡面有啲說話想同身邊最珍惜的人講，但又搵唔到開口既機會呢？用說話講出自己既感受往往令我地開唔到口，而用音樂仔發大家既情感卻往往來得自然。大家可以透過“MusicPhoneIn”嚟點唱，分享你內心既感受，我一范振倫將會同你細味分享……

（此時傳來了接通的電話聲）嘟、嘟、嘟……

阿倫：咦？今晚咁快有電話嚟點唱？好！接聽呢位朋友先。你好！請問你叫咩名呀？

（舞台的左方燈光漸明，射燈照著手執電話的阿樂面上）

阿樂：嗯……你好呀！主持人，我叫阿樂呀！

（樂手執電話在舞台左方踱步）

阿倫：（微笑著）阿樂！你想點唱邊首歌俾你最想同佢講出心中說話既人聽呀？

（樂慢慢抬頭，望著上空，呼了一口氣）

阿樂：我唔係嚟點人地既歌架！我係……想自彈自唱自己既歌架！（立即擺起身邊的結他）

阿倫：（吃驚）吓？！咁有創意？咦？咁你係咪為呢個人作架首歌？

阿樂：（沉默了一會）係呀！首歌係代表我同佢架。

阿倫：咦？咁果個人係你心目中一定佔有好重既位置，我諗一定係你一直好心愛既女仔呢？

阿樂：（又沉思了一會，低下頭）唔係！首歌係屬於我爸爸既。

阿倫：（大為驚奇）吓？首歌係寫爸爸？而家好少人會為家人寫歌，我以為又係啲情歌嚟，唔好意思呀！係呢？點解你會為爸爸作歌既？

阿樂：（又再次仰望天空，眼泛淚光）因……因為，我從來都有為佢做過任何野，相反佢為我付出太多，所以我只係想為做番啲野。我係佢身上唔單止搵到佢對我既愛，我更加搵番自己，搵番我一直不了解既“佢”。（傳來急喘的微弱呼吸聲）

阿倫：（立刻緊接而上）咁你有咩說話同聽眾分享架？或者俾最想聽你說話既人聽架？

阿樂：（稍為冷靜）嗯！爸爸我想你知道，我已經聽到你的音樂，同樣我都希望你聽到我的音樂……

（空氣中傳出柔和的結他聲，旋律漸漸由輕慢變得盪氣迴腸）

（時間隨著音樂而倒流，回到往日的回憶中）

（左右舞台的燈光漸暗，錄音室的場景轉成阿樂家的場景）

第一幕

(阿樂家)

(阿樂用頭夾夾著電話，并且神情甜絲絲地談電話)

阿樂：喂？！老婆仔，今晚個 bandshow 好唔好睇呢？……緊係好睇啦！因為有你老公仔表演喇嘛！係咪好勁呢？……緊係犀利啦，我為左寫呢首歌呀，足足用左成個月時間呀！仲成日走堂同啲 Band 友研究點樣寫得好啲呀！……咩話？點解唔用我作俾你果首歌比賽？！唉~！我都唔想架，啲隊友話首歌唔係咁啱個 Bandshow 主題嘞！所以咪……老婆仔！唔好為啲小事鬨啦，一係咁啦，老公仔即場為你唱首歌仔氹番你啦！好唔好？噏，我唱左你就唔好鬨我架！

阿樂：(唱) 你將變成童話裡

我最愛的公主

張開雙眼

變成星星照耀你

你要相信

相信我們找到幸福小堡壘

我們一起牽著雙手寫我們的結局……

(阿樂正在陶醉之際，爸爸房門突然打開，爸爸手裡拿著本書，用不滿我眼神看著樂，走到他面前)

(燈光照著父親面上)

阿樂：(大吃一驚) 嘩！嚇死人咩？！夜媽媽仲行嚟行去，唔洗訓架你？

爸：(怒目相向) 你都知夜媽媽咩？仲係度烹電話粥？你知唔知而家幾點呀？
(大聲) 成兩點喇！你聽朝唔洗番學呀？！

阿樂：(不耐煩) 你好鬼死煩呀！我有分數啦！我又唔係出去玩，我咁乖留係屋

企都俾人鬧，真係冇天理。

爸：你……你仲學人駁……

阿樂：（緊接著說）得啦！得啦！我收線喇，唔好再嘈啦！（對著聽筒說）
Honey~我要訓喇！乖啦！聽日嚟搵你啦……係喇~我會幫你排隊換公仔喇，放心啦……好啦，你都快啲訓喇！BYEBYE！（掛上電話）

爸：唉~同女朋友傾計又咁好口，同阿爸阿媽講嘢就大聲夾惡！真係仔大仔世界喇~（嘆氣）

阿樂：老豆！你唔好愈老愈成個阿婆咁啦！我咁大個人唔洗你陪我訓架喇我鍾意幾時訓就幾時訓。

爸：仔呀~你晚晚都咁夜訓，第二朝邊有心機上堂聽書呀？！就嚟會考喇，我都未見過你揸住本書，你諗住中五出嚟做啲咩呀？？

阿樂：我夠成日都見你揸住本書啦（語氣輕佻），咁又唔見你會發達？！總之我有分數啦！得未？

爸：（搖頭）唉！好啦！我唔煩你啦！我頭先暖番熱果碗湯你飲左未呀？襯熱飲先有益架！

阿樂：（不勝其煩）唔飲喇！好眼訓呀！你自己飲啦！！

（阿樂轉身不理父親，回到自己房間，大力地關上房門發出巨響）

（廳中只遺下父親一個，他看著放在台上的湯而不斷搖頭嘆息）

（發現樂的結他放在一旁，他放下書本，拿起結他輕撫著每一條弦線）

爸：唔通虎父無犬子呢一句話係真既？希望個仔大個唔好學我咁啦……

（父親放下結他，轉身返回睡房中，燈光漸暗，下幕）

第二幕

阿樂家中（開幕，燈漸亮，時鐘指向下午三時了）

（屋內傳出電話響聲）

（父親出來接電話）

爸：喂？搵邊位呀？……係呀，係呀！我係佢爸爸呀！哦，你係佢既班主任周老師呀？係……係……吓？！咩話？阿樂今日成日都有番學呀？唔係掛？！我今朝先見佢著住校服出門口喎！無理由架！……逃學會記大過？等等……周老師！等佢番嚟我問吓佢發生咩事先，佢今日好似代我陪佢媽咪睇醫生架！……係……好！我叫佢補番張請假信啦！……好！好！唔該晒！BYEBYE！

爸：（怒氣沖沖，自言自語）哼！個衰仔學人逃學，仲以為我唔知？！

（門鈴響起）

（父親去開門，見了阿樂面色一沉）

阿樂：咦？老豆唔係番工咩？做咩咁得閒係屋企呀？俾人炒魷呀？（放下書包）

爸：（假裝祥和）你想食炒魷魚喇嘛，我就晚晚炒俾你食，等你食左聽話啲。

阿樂：（心知不妙）老豆呢排一定心火盛喇，我落樓下買碗涼茶俾你降下火先！

（樂正想轉身出門被父親阻止）

爸：（大聲說）企係度！唔准出去！你今日成日出左去仲唔夠呀？吓？學人逃學？！以為咁就好型呀？衰仔！

（阿樂無言以對）

（父親打開阿樂我書包，發現一個撥鍵以及數本樂譜，一怒之下竟重重的拋在地上）

爸：（憤怒而大吼）衰仔！我都估到你唔番學係為左去 band 房！仲唔俾我裝到

你？你仲有咩好講？！

阿樂：（眼見樂譜被拋在地上而憤怒起來）係呀！我認我係逃學呀！咁又點呀？我為左做正經嘢咋，你識啲咩呀？我去 band 房練歌完全係因為個比賽咋，你知唔知個比賽對我嚟講有幾重要呀？要幾辛苦先入到決賽呀？！個獎對我地既意義有幾大呀？（眼有淚光）哇氣！講你都唔明架啦。

爸：係呀！你老豆就係咩都唔明！你就咩都識，咩都明？！你既然咁叻，就唔洗我日日咁辛苦搵錢去養你啦！吓？！我為既又你邊個呀？（父子對望）你好學唔學，就係去學埋晒啲衰嘢！你係咪想第日揸兜呀？！

阿樂：（大受打擊而吼叫）咩嘢揸兜呀？！你講野都好過分喎！咩你覺得玩音樂就等於乞食咩？！你唔見果啲幫明星作曲填詞既人，每個月既人工仲多過你十年搵既錢呀？！我都唔明你點解咁憎我玩音樂！

爸：（面色一沉）冇錯！我係唔鍾意你玩音樂！

阿樂：點解呀？

爸：總之冇得解，唔鍾意就係唔鍾意！

（阿樂流淚了，父親卻別個臉去）

（燈漸暗，射燈照著阿樂的臉上）

阿樂：嗚……我由細到大都唔明你點解唔俾我學小提琴、鋼琴、結他……我好細個就好羨慕啲同學有得學音樂，我地屋企又唔係冇錢喎，你仲逼我學埋晒啲我唔鍾意既嘢，咩電腦呀、法文呀、英文……！果啲都唔係我既興趣，我記得有一次，我同你行街果陣，見到琴行裡面有一個好靚既結他，我望左一陣咋，你就好大力既拉番我走，我又冇話要買，我唔明你點解唔俾我望囉！好彩，我啲朋友肯教我咋，如果要你俾錢我學，我一定成世都學唔識呀！你知唔知我點解鍾意玩結他呀？因為我由細到大都好蠢，讀書考試每次都墊人底，但係我一彈結他就我投入，仲成日俾人讚我彈得叻，我發覺音樂先俾到自信我咋！點解你連果少少信心都要扼殺我呀？！！

（父親雙手掩耳，不住搖頭）

（燈光回復正常）

爸：夠喇！唔好再講喇！你就當你老豆係衰人啦！你做咩都唔鍾意啦！你口口聲聲話玩音樂，其實係音樂玩到你書又讀唔成，又唔理屋企，又用埋啲情歌追女仔，你話你係咪俾音樂玩緊吖？你話玩音樂會發達，咁點解仲有咁多人讀書呀？！點解咁多人仲要為果幾千蚊工爭崩頭呀？我想你唔好好似我咁，咁都有錯咩？！

（二人被對方的話互相激至無言以對，父子二人同一時間，父親向房間走，樂向門口走，一左一右地離開）

（燈暗，下幕）

第三幕

（燈亮）

街上（繁忙的街上，有位乞丐正彈著結他唱歌，路人疏落地向他的杯子裡扔錢）

（樂和美手拖手出場，阿美面上露出悶悶不樂的神情，阿樂站在乞丐旁，聽他唱歌）

美：（拉著阿樂的手嚷著）走啦！睇咩鬼呀？！乞衣都好睇？？污糟穢榻（面露不悅）

阿樂：哈！唔係喇……你聽吓，原來乞衣都識音樂啲！都唱德唔錯吖，我仲可以偷吓師……

美：（伸懶腰）哎~啲……

阿樂：（微笑）老婆仔！做咩呀？

美：行左成日，好悶呀！

阿樂：咁行第二度囉！我陪你睇吓其他嘢好無？！

美：（不耐煩）啲~行極咪又係“Windowshopping”得個睇字，有咩好行呀？你又唔會買俾我既，我寧願去睇戲好過啦！

阿樂：（面紅耳熱）老……老婆仔呀？！我今日帶唔夠錢同你睇戲呀！不如下次先啦，好無？一係我同你去戲院門口望吓睇下有咩戲好睇，等我儲錢請你睇好唔好？

美：（面色大變）啲~又係得個望字！余常樂！你邊次同我去街係帶夠錢架？！
（大力鬆開阿樂的手）

阿樂：（連忙攬著亞美）好喇！好喇！唔好攞啦！老婆仔一撈就唔靚喇！一係咁咁！我當住咁多人面前彈結他，唱我首寫俾你既新歌俾你聽咁！

（正把背著的結他放下）

美：（十分不悅）又係呢招呀？余生！你悶唔悶架？你咁樣同佢有咩分別呀？

（望向那乞丐）我都唔明點解我啲 **friends** 一發脾氣咋！佢地啲男朋友就買

勁多野畀佢嫁！又公仔啦，又花啦，又項鍊啦，真係要咩有咩呀！而我呢？我就好似咩都有收過囉！唉！就連豬耳繩都有條呀！我都唔知點解，千揀萬揀會揀中你！前世囉……

阿樂：（連忙捉緊美的手）唔係嫁！有朝一日我一定會發達嫁！你信我啦好冇？如果我有錢一定會俾最好既野你嫁！你見我作咁多歌俾你就知我錫你啦！

美：（輕佻）哈！好笑喇！？你憑咩野我信你呀？唔通以你淨係識作下幾首歌就可以做大作曲家咩？我都未話你呀！你次次一有錢就俾曬 **band** 房啲租，再唔係既就買新款結他！你除左識玩音樂仲識啲咩呀？？

阿樂：（嬉皮笑臉）我仲識得丞老婆仔你囉！

（又立刻拉回亞美在懷）

美：哼！激死我喇！你都唔明我想要啲咩……

（亞樂的手機在響）

（亞樂看到是家中的來電，表現出討厭的表情，只好接聽電話）

亞樂：喂？亞媽呀？搵我咩嘢事呀？我唔係好得閒呀！

（台上傳出媽的答話聲）

媽：唉！我都未講搵你咩嘢事，你就話唔得閒喇！你有咩嘢事咁緊要呀？傾大生意呀！成幾百萬上落嫁？

亞樂：總之我有緊要事啦！有咩就快啲講！唔好哦我啦！媽子！

（美露出沒有耐性的神情背著亞樂）

媽：當亞媽求下你喇！你可唔可以幫亞媽一個忙呀？

亞樂：（極示耐煩）你又想點呀？媽子！

媽：今日你老豆入醫院唔知檢查啲咩呀！我又做緊野唔可以行開喎！咪諗住叫你陪佢去醫院囉！你知啦！你老豆不嬲鐘意將啲嘢收收埋埋嫁啦！我怕佢身體有咩大問題，就唔同我地講，瞞住我地呀！你宜家番黎屋企陪佢去醫院啦！

（美不滿地拂袖而去）

亞樂：（連忙快說）媽放心啦！老豆不嬲都食得訓得，唔會有事既！佢仲成日咁好鍾氣鬧人，點會有咁快走呢！喂！唔講住喇！係咁啦！（衝衝掛線）

（亞樂追回美，一邊在街上糾纏一番，一邊離去）

（乞丐繼續唱出他的歌，彈著殘破的結他）

乞丐唱：哪管爸爸幾多歲 同樣猜出我心裏
曾在哪裏挫折過 陪著我唏噓
我很開心遇著煩惱想淌淚
你總會 送給我 半杯汽水
哪管爸爸幾多歲 從未築起過堡壘
仍是我的傾訴伴侶 如像最初給我玩具
拿著了紅酒 一起醉倒
我的不快樂 和憤怒 陪著我長大

比我更知道 夕陽無限美不美好

(燈暗)

(下幕)

第四幕

(右邊舞台是樂家，左邊舞台是街)

(右邊舞台燈亮，左邊舞台仍燈暗)

(亞樂回到家中，父親正在看書，但父親卻視而不見)

亞樂：(帶點慚愧) 爸！我番嚟喇！

爸：(仍看書) 我知呀！我有眼睇既！

(樂按著自己的脾氣，樣子不是味兒)

亞樂：SORRY 呀！老豆，我先前咁樣講嘢係我唔啱！雖然我覺得自己唔係有好大既錯，但我都唔應該咁同你講野既！

(爸仍默不作聲)

亞樂：爸！其實我已經大個仔喇！我識得諗嫁喇！我唔會再因為顧住玩結他而唔讀書！

(爸慢慢微笑，不停地點頭)

亞樂：老豆呀！你都知我就嚟會考啦！我想去補習追番啲成績呀！你都想我升中六嫁啦！你可唔可以俾……

(爸聽了卻大笑起來，十分興奮)

爸：難得你肯轉死性，你想補隨時可以問我擺！幾多錢我都肯俾你！（豪爽）

亞樂：（十分驚訝）吓？老豆原來咁豪氣嫁！多謝你呀老豆！咁我宜家就去報名，費事啲補習班滿曬位我就入唔到喇！

爸：咁你宜家要幾多錢呀？

亞樂：（面露奸詐）好少姐！一個月我補三科都係二千蚊咋！

爸：吓？！補三科咁少你夠唔夠嫁？你考七科嗎？

（爸放下書本，拿出錢包，正在點算金錢給亞樂）

亞樂：（大吃一驚，又不好意思）差…差…差唔多啦！唔夠我先再問你啦！

（爸給二千元亞樂，）

亞樂：咁我宜家出去喇，多謝老豆！BYE！BYE！

（媽從廚房出）

媽：嘩！你俾咁多錢俾亞樂補習又捨得！自己睇醫生既錢又唔捨得！你掂唔掂嫁？

爸：得嫁喇！難得個仔宜家識諗！唔掂既咪加多幾個鍾頭班囉！最緊要個仔肯俾心機讀書！

媽：唉！真係冇你乎！自己既身體都唔緊要，真係廿四孝老豆！

（右邊舞台燈暗，左邊舞台燈亮）

（亞樂在街上，滿心歡喜地彈跳著走）

阿樂：（自言自語）好耶！咁易就有二千蚊洗！一定要買多啲禮物畀吓老婆仔先！俾佢知道我係真心愛佢！

（阿樂發現了美在不遠處和另一男孩態度親暱，阿樂立刻躲藏以便觀察）

美：（依傍著男孩）多謝老公你送左隻咁靚既戒子俾我呀！我好鍾意呀！（撒嬌地舉起右手的戒子觀賞）

男孩：傻啦！隻戒子對我嚟講又唔係貴！最緊要係老婆仔開心姐！

（阿樂瞪大眼睛，面部通紅，正想上前之際，被男孩的話停住了）

男孩：（對美說）咦！咩你以前男朋友好少送野俾你咩？你做咩好似好珍惜既？

美：（笑說）！好衰嫁！人地都未試過拍拖，又點會有男朋友送野俾我呀？你係我第一個男朋友送野俾我，我緊係開心啦！（吻了男孩面上一下）

（二人甜絲絲地向左邊舞台離去）

（阿樂面色一沉，垂下頭向家的方向而行）

阿樂：（自言自語）原來我一直都俾人當做傻仔咁玩！

（左邊舞台燈暗，右邊舞台燈亮）

（家中只剩阿樂一人，他沒精打采地坐著疏化上，發現了父親遺下來的書）

阿樂：咦！上次我傾電話果陣嘈醒老豆，佢都係睇緊呢本書啫！唔知有咩咁好睇呢？

（樂隨意打開書本，發覺書本內夾著一個色土風形書籤，更拿來細看）

阿樂：（讀出）「你的離開，將會是我們樂隊的損失，不管日後的路如何！我們的音樂精神是永恆不息，我們一起“JAME”歌的日子，成為最光輝的歲月！GOAL 字」（大叫）吓！唔係化！係唔係我發緊夢呀！原來老豆以前係”GOAL”既成員嚟嫁！呢隊 BAND 以前好出名嫁啫！點解老豆成十幾年都唔同我講既？

（樂不小心把書掉在地上，卻發現了一封信，拿起來看）

阿樂：咦！係醫院寄俾亞爸啫！唔通佢真係有咩事？（連忙折開信封）吓？原來老豆今日下晝五點半要係醫院做手術嫁！點解咁大件事我都唔知既？（看看掛鐘，大吃一驚）嘩！差唔多成五點半喇！唔得我要飛的去醫院先！

（阿樂飛快地跑出門口）

(全舞台燈暗)

(下幕)

第五幕

(醫院)

(阿樂終於跑到私人病房門口，卻又遲疑不入，他在門口聽到父母的對話)

爸：哈，淨係割膽石姐，唔洗咁大陣仗拎咁多補品呀？老婆，我怕我受唔到啲貴野咋！

(媽用匙把補品盛起)

媽：睇吓你吖！成日以為自己好捱得，終於捱壞身體喇！又唔識錫身！係呢？點解阿樂咁耐都未到既？你唔係話左俾佢聽你今日要造手術既咩？佢咁都唔嚟望吓個老豆呀？正一衰仔！

爸：(笑)你唔好怪佢啦！佢大個左，識諗左好多架喇~你知唔知佢今日竟然主動向我道歉呀！佢咁大個，我第一次聽到佢同我道歉咋！佢仲話會的起心肝讀好書，仲話要補習呀！我咪俾啲錢佢報名囉！所以我唔話俾佢知今日造手術，費事個傻仔擔心喇嘛！（嘆氣）唉！我都唔想個仔大個學我咁，半滴墨水都有落個肚就學人玩音樂，擺左好多時間落去，反而唔理自己屋企前途，人有時就係咁矛盾架喇！往往要係理想同現實取捨！

媽：(餵著湯)所以你就為左我同個仔而放棄音樂。

(阿樂內咎得強忍淚水，正想離開之際，卻撞到物件而發出聲響)

媽：邊位呀？(大聲說)係咪姑娘呀？入嚟啦！

(阿樂推門而進，父母神情驚訝，母親手中的匙跌進湯裡)

阿樂：係我呀！對唔住呀老豆！咁遲先嚟睇你！呢二千蚊我俾番你啦！

爸：吓？！你唔係要去報名補習咩？滿左額呀？

阿樂：（搖頭）唔係呀！對唔住呀！其實……我有去報名架，我……我近排冇錢洗……所以……我……

爸：你要二千蚊做咩呀？零用錢唔夠呀？

阿樂：唔係呀！總之而家對我來說，錢已經唔重要，最重要係（嗚咽）……係老豆你有事呀！

父親：（笑說）傻仔，唔好喊！你老豆而家生歐歐係你面前，你睇下我，（展示手臂肌肉）唔好以為我老呀~我而家老虎都打死幾隻呀！

阿樂：（手抹眼淚）我有喊呀！我吹沙入眼之嘛！

（父母同聲笑著）

阿樂：（冷靜）爸~其實你係咪有啲野瞞住我呀？

父親：我邊有呀？我對得住天地良心！

阿樂：你就係對得住天地良心先瞞我，你以前係玩色士風好叻既“GOAL”成員！

媽：（吃了一驚）吓？你點知架？！係呀，個秘密我都收埋左好耐喇~唉~而家知道左咪仲好，你老豆以前玩色士風好叻架！有唔少 fans 架！（甜笑）當年你擺咁多獎，突然之間話退出，我知你當年一定好唔捨得。

阿樂：老豆！你果陣咁威水，做咩無啦啦退出呀？

爸：我發覺呢啲野唔可以代表我生命既全部。你知嘛？人生並唔係為左自己要考慮埋身邊既人。真正既音樂係帶俾人快樂，我唔想因為我一個人既快樂而

令其他人痛苦！我唔反對你玩音樂，但我想你了解真正既音樂就係能感染大家既快樂！！

（燈暗，下幕）

第六幕

（右邊舞台係錄音室，左邊是阿樂家，左邊亮燈）

倫：唔！（高興）識得作歌既人一定好了解音樂，我相信你都係一樣！

阿樂：邊係呢！講到了解音樂，我仲未夠班！以前我以為自己好了解音樂，但後來先知自己先最唔了解音樂。

倫：點解咁講呢？唔通有人啟發左你？

阿樂：嗯！我發覺原來我爸爸比我更了解咩係音樂，我從佢身上領略左好多野！為左音樂而去玩音樂，果啲唔算係真正了解音樂~雖然我爸爸為左生活、屋企人而放棄音樂，但佢同時用生命去為我地演奏大家既音樂！

阿樂：（唱）在當天跟我玩耍你是我爸飽經風吹雨打
從來未透露背反困擾牽掛你只望我可開心歡笑吧
凌晨倦了歸家無說話浮沉在半空天生不怕風遺傳著你那份勇
我學你很忍得痛紅唇亦咬緊不想放鬆
前行暴雪中我的辛酸只得你懂無論塌下了天雲裡是暗湧
全憑著一雙肩膀來負重在今天當我受苦我用笑聲開解身體髮膚
難捱但你別掛慮也不必顧我仿倣你可一一的應付回來又再給家人愛護
明白你大半生怎過的我願意完全讓你退下歇息我像你庇護最親愛的耗盡每分氣息流盡血也未留力

《完》